

ՔԱՀԱՅԻԶՄԸ ԵՎ ՆՐԱ ՌԵԱԿՏԻՈՆ ԷՈՒԹՅՈՒՆԸ

2. 1. ՓԱՀԻՎԱՆՅԱՆ

Իրանում XIX դ. կեսերին կրոնական քողի տակ ծավալվել էր հակաֆեոդալական մի շարժում, որն ընդունել էր իր ղեկավարի՝ Բարի անունը, Իշխանությունները և շիական հոգևոր ղեկավարները արյունոտ դատաստան տեսանքներիական շարժման հետ և ճնշեցին այն:

Եթե շահի ղորքերը այդ ժողովրդական շարժումը ճնշեցին ֆիզիկապես, ապա հետագայում կոմպրադորները այն կազմալուծեցին գաղափարապես, նրանից դուրս նետելով հակագաղութային և հակաֆեոդալական գաղափարները:

Ստեղծվեց բուրժուական մի ուսմունք, որը պաշտպանում էր մասնավոր սեփականությունը, սոցիալական անհավասարությունը, դատապարտում իշխող դասակարգի դեմ ամեն տեսակի ելույթները, ժխտում ազգային և քաղաքական անկախության սկզբունքները և առաջ քաշում ազգային պատեններին վերացման, «միացյալ համաշխարհային պետություն» ու աշխարհի ժողովուրդների փոխադարձ հաղորդակցության պատրվակով մի լեզու ստեղծելու և իմպերիալիզմին ձեռնադրելու այլ գաղափարներ:

Իրանի կոմպրադորական բուրժուազիայի և գաղութարարների շահերն արտահայտող այս ուսմունքը ստացավ Բահայիզմ անվանումը:

Ազգային շահերին դավաճանելը, ինչպես նշում է Վ. Ի. Լենինը, բուրժուազիային հատուկ քաղաքականություն է. «...Երբ գործը հասնում է տնտեսական իշխանության, շահագործողների իշխանության հիմունքներին, նրանց սեփականությանը...», — գրում է Վ. Ի. Լենինը, — նրանք մոռանում են հայրենիքի և անկախության նկատմամբ տաժաժ սիրո իրենց ֆրազները..., երբ խնդիրը վերաբերում է դասակարգային շահություններին, բուրժուազիան հայրենիքը վաճառում է և իր ժողովրդի դեմ ուղղված շարժական գործադրներ է կնքում ամեն տեսակի օտարերկրացիների հետ...»¹:

Բահայիզմի հիմնադիր Բահա-ուլլահը եղել է Բաբի աշակերտներից և հետևորդներից մեկը: Նա ծնվել է 1817 թ. մեծահարուստի ընտանիքում: 1852 թ. բաբիների աղանդի հետապնդման շրջանում նա նույնպես ձերբակալվում է: Բահա-ուլլահի և մի քանի այլ բարիների հարցաքննման գործը վարում էր մեծ վեզիր Միրզա Աղա խանը: Ամբողջ երկրով մեկ ամենադաժան դատաստանն են տեսնում Բաբի հետևորդների հետ, որը տեղի է տալիս բազմաթիվ կամայականությունների², Բազմաթիվ մարդիկ, որոնց թիվը, ըստ պաշտոնական աղբյուրների, հասնում էր տաս հազարի³ և որոնց մեծամասնությունը անգամ ոչ մի առնչություն չունեի բաբիների հետ, տանջամահ եղան, իսկ Բահա-ուլլահ-

¹ Վ. Ի. Լենին, Երկեր, հ. 28, էջ 12—13:

² مهدی ملک زاده، تاریخ انقلاب مشروطیت ایران، تهران، ۱۳۲۸،

³ Шейн И. Д а р о в, Беханизм, М., 1930, стр. 22.

հր ռուսական դեսպանի և իր ազդեցիկ ազգականների միջնորդությամբ 1852 թ. աշնանը⁴ ազատվում է բանտից և իր ընտանիքի ու մի խումբ հետևորդների հետ ուխտագնացության պատրվակով մեկնում Բաղդադ⁵:

Բահա-ուլլահի նկատմամբ իրանում ցարական Ռուսաստանի ներկայացուցչի ցուցաբերած ուշադրությունն ու հովանավորությունը, այնուհետև Բաղդադ տեղափոխվելուց հետո նրան անգլիական հպատակ դարձնելու համար անգլիական գլխավոր հյուպատոսի գործադրած ջանքերը⁶, իտալական հյուպատոսի ուշադրությունը⁷ և այլ փաստեր, իհարկե, պատահական չէին:

Բահա-ուլլահը երախտագիտությամբ է հիշում ցարական Ռուսաստանի ներկայացուցիչների վերաբերմունքը իր նկատմամբ. «Նորք ես գտնվում էի զնդանում՝ կապանքների ու շղթաների տակ, քո դեսպանորդներից մեկը ինձ օգնություն ցույց տվեց», — գրում էր նա Նիկոլայ I ցարին⁸:

Հետագա փաստերն ավելի պարզորոշ են բացահայտում ցարական իշխանության համակրանքը Բահա-ուլլահի նկատմամբ: Համաձայն Բահա-ուլլահի ազգական Սոբհիի հաղորդման, բահայիները իրանի տարբեր ծայրամասներից մեծ խմբերով տեղափոխվում են անդրկասպյան մարզեր, որտեղ ցարական Ռուսաստանի տեղական իշխանությունները նրանց ապաստան և գործունեության բացարձակ ազատություն են տալիս⁹: Բահայիզմի քարոզիչները Մերձավոր Արևելքից հաճախ գալիս էին Ռուսաստան և աշխատանք ծավալում այդ ուսմունքի տարածման ուղղությամբ: Մյուս կողմից, ուղղափառ միսիոներները և ռուս արևելագետները ուսումնասիրում էին բահայիզմը, հավաքում ձեռագրեր, վավերագրեր, հրատարակում աշխատություններ շարժման մասին¹⁰:

Ցարական Ռուսաստանը և Անգլիան դեռևս այդ ուսմունքի կազմավորման սկզբնական շրջանում, հանձինս Բահա-ուլլահի և նրա հետևորդների տեսնում էին Արևելքում, հատկապես իրանում, իրենց նպատակներին հասնելու լավագույն հենարանը:

Բաբի ամենամիլիոված աշակերտներից և հետևորդներից էր Միրզա Յահիան՝ Բահա-ուլլահի կրտսեր (խորթ) եղբայրը, որին հետագայում Բաբը տալիս է Սոբհե Աղալ՝ «հավերժության առավոտ» մականունը¹¹ և իր մահապատժից առաջ (1850 թ. գարնանը) իրեն փոխարինող նշանակում:

Ինչպես հաղորդում է Միրզա Զանի Քաշանին¹², այդ որոշման իսկություն-

بررسی و محکمه در تاریخ عقائد و احکام باب و بهاء، تهران، ۱۳۲۴، جلد ۱، ص ۱۰۱

Տե՛ս նաև E. Бертельс, Бехаит об истории беханзма, „Восток“, М.—Л., 1925, кн. 5, стр. 203.

⁵ Ա տ ր պ ե տ, Իմամաթ, Ալեքսանդրապոլ, 1906, էջ 94:

⁶ Տե՛ս E. Бертельс, Бехаит об истории беханзма, „Восток“, кн. 5, М.—Л., 1925, стр. 203.

⁷ И. Даров, Беханзм, стр. 54—55.

⁸ А. М. Аршаруни, Беханзм, М., 1930, стр. 8.

⁹ صبحی فضل اله میتدی، پیام بدر، تهران، ۱۳۳۴، ص ۴۷

¹⁰ А. М. Аршаруни, Беханзм, стр. 9.

¹¹ Լ. Առաքելյան, Բաբիականությունը Պարսկաստանում («Մուրճ», 1901, № 2, էջ 98):

¹² Սա հեղինակն է «Նոդթաթուլ-Քաֆ» (کتاب نقطه الکاف فی تاریخ بابیه) 3-րդի, որը բաբիական շարժման վերաբերյալ միակ հավաստի աղբյուրն է և ղրվել է 1850 —

նր հաստատելու համար Բաբը Սոբհն Աղալին է ուղարկում իր գրչատուփը, թղթերն ու աշխատությունները, զգեստը, կնիքը և այլ իրեր: Նա Սոբհն Աղալին նաև վստահում է կառավարել բաբական համայնքը և գրել ու լրացնել «Բայանի»¹³ (հայտնություն), անավարտ թողած ութ կետերը: Բաբը գրում է նրան. «Եթե Ման յաղհարա՛հ ալլահ»¹⁴ հայտնվի քո ժամանակաշրջանում, ապա վերափոխիր Բայանը և կիրառիր այն գործնականում»¹⁵: Այսպիսով, Միրզա Զանին իր ընթերցողներին հուշում է, որ Բաբը գիտակցաբար էր կիսավարտ թողել «Բայանը», որպեսզի հաջորդ ութ կետերը լրացնեն և ավարտեն Սոբհն Աղալի: Դրանով նա կամենում էր հավատացնել, որ ալլահի խոսքը մեկն է: Դա ինքնըստինքյան այն ամենամեծ փաստարկն է, որի համաձայն Բաբին կարող էր փոխարինել միայն և միայն Սոբհն Աղալը և ուրիշ ոչ ոք, քանի որ միևնույն ժամանակ չեն կարող լինել երկու առաջնորդներ»¹⁶:

Բաբի մահապատժից հետո Սոբհն Աղալը Թեհրանում և Մազանդարան նահանգի Նուր բնակավայրում ուսումնասիրում էր Բաբի ուսմունքը: Երբ 1852 թ. օգոստոսի 16-ին Թեհրանում բաբականները Նասեր էդ-Ռին շահի դեմ անհաջող մահափորձ կատարեցին, Սոբհն Աղալը գտնվում էր Նուրում: Իրանական իշխանությունները նրան ձերբակալողին հազար թուման գումար են խոստանում, բայց Սոբհն Աղալը դերվիշի հագուստով, ժպտյալ կարողանում է փախչել, նա անցնում է Իրանի սահմանը և 1852 թ. վերջերին կամ 1853 թ. սկզբներին հասնում Բաղդադ¹⁷: Իսկ նրա եղբայրը՝ Բահա-ուլլահը, ինչպես նշեցինք, բանտից ազատվելով, Բաղդադում միանում է Սոբհն Աղալին: Այնուհետև Բաբի բաղձաթիվ հետևորդներ Իրանի տարբեր ժայռամասերից գալիս են Բաղդադ և այն դարձնում իրենց կենտրոնը: Մինչև 1863 թ., տաս տարի շարունակ, նրանք մնում են արաբական Իրաքում:

Ինչպես վկայում են պատմական աղբյուրները, այդ թվում և հենց Բահա-ուլլահի աշխատությունները, այդ ժամանակ նա ենթարկվում էր Սոբհն Աղալին: Սակայն 1862 թ. Բահա-ուլլահը որոշ ինքնուրույնություն է դրսևվորում:

Այդ ժամանակվանից սկսած բաբական համայնքի ղեկավարման հարցում երկու եղբայրների միջև խիստ բախումներ են տեղի ունենում: Դա հանգեցնում է բաբականների պառակտմանը: Քարբելա և Նաջաֆ սըրբավայրերի բարձրաստիճան հոգևորականները, օգտվելով առիթից, բահայիների և մուսուլմանների միջև հաճախակի բախումները մատնանշելով՝ խրատորեն բողոքոսմ են և պահանջում բաբականներին հեռացնել Բաղդադից:

1852 թթ.: Գրքի ձեռագիրը, որը պահպանվում է Փարիզի Ազգային գրադարանում, 1910 թ. հրատարակել է Բրաունը: Իսկ ըստ Աբբաս էֆենդիի հաղորդման, Բաբն իր գրությունները և իրերը ուղարկել է Բահա-ուլլահին և նրան է նշանակել իրեն փոխարինող: Տե՛ս

سیاح مقاله ۶۵۲-۵۵۳:

¹³ «Բայան» — բաբիների սուրբ գիրքը, որը գրել է Բաբը 1847 թ. և ըստ հեղինակի պետք է փոխարիներ Դուրանին:

¹⁴ «الله أكبر» — «Ալլահն ավելի մեծ է, քան ես»: Իրեն կհայտացի ալլահը — այդպես է անվանել Բաբը զալիք մարգարեին:

¹⁵ كتاب نقطة الكاف، ص ۲۲۴

¹⁶ Նույն տեղում:

¹⁷ كتاب نقطة الكاف، ص لـح، ط

Բացի դրանից, 1864 թ. իրանական կառավարությունը Ստամբուլում իր դեսպան Միրզա Հոսեյն խան Մոշիր օլ-Դովլեյին կարգադրում է, որպեսզի նա խնդրի օսմանյան իշխանություններին այդ կրոնական համայնքը իրանի սահմաններից հեռացնելու մասին: Օսմանյան կառավարությունը, ընդառաջելով հոգեւորականության և իրանի կառավարության պահանջին, բաբիականներին տեղափոխում է Ստամբուլ, իսկ չորս ամիս անց, մոտավորապես 1864 թ. դեկտեմբերին¹⁸ խալիֆի հատուկ հրովարտակով նրանց աքսորում են Ադրիանապոլիս¹⁹:

Ժամանակի ընթացքում բաբիական համայնքի ղեկավարման գործը անցնում է ավելի հմուտ, փորձված և զաղութատիրական պետությունների հովանավորությունը վայելող Բահա-ուլլահին: Վերջինս իր վաղեմի իղձերն իրականացնելու նպատակով 1867 թ. իրեն հայտարարում է այն նոր մարգարեն, որի հայտնությունը նախագուշակել էր Բաբը:

Այնուհետև Բահա-ուլլահը սկսում է լայն գործունեություն ծավալել, իր նոր, հակաազգային, պացիֆիստական ուսմունքը տարածելու նպատակով նա մի շարք հոգվածներ և նամականք է գրում՝ ուղղված տարբեր երկրների կառավարությունների և առանձին կազմակերպությունների:

Այդ ժամանակաշրջանում է, որ բահայիները լայն գործունեություն են ծավալում բաբիական շարժման վերաբերյալ գրականությունը, հատկապես «Նոդթաթուլ-Քաֆ» գիրքը ոչնչացնելու համար: 1880 թ. բահայիները Միրզա Զանդի աշխատության սկզբունքների ոգով գրում են «Նոր պատմություն» (تاریخ جدید) գիրքը, նրա բովանդակությունից դուրս թողնելով իրենց շահերին հակասող դրույթներն ու փաստերը:

Մոտավորապես 1886 թ. լույս է տեսնում բահայիական մի այլ աշխատություն՝ «Ճանապարհորդի պատմվածք» (مقاله شخصی سیاح) խորագրով, որի հեղինակն էր Բահա-ուլլահի որդին՝ Աբբաս էֆենդին: Այդ գրքում մերժվում էր այն ամենը, ինչ հակասում էր բահայիզմին:

Ադրիանապոլսից Բահա-ուլլահը սկսեց իր պատվիրանները՝ «լուհերը» ուղարկել Միջագետք, Իրան և Հնդկաստան՝ իր հետևորդների մեջ տարածելու համար: Նա նասեր-էդ-Դին շահին գրեց մի ընդարձակ նամակ, որտեղ բացատրում էր, որ ինքը և իր վարդապետությունը երբեք աշխարհիկ տիրապետության չեն ձգտում: Այդ ուսմունքի էությունը, ըստ նրա, մարդկային հոգին, բարքը և կրթությունը կատարելության հասցնելն է: Բահա-ուլլահը դատապարտում էր բաբիականների հակազաղութային և հակապետական, հեղափոխական նպատակադրությունը և դրսևորում իր նոր կրոնի հանդուրժողականությունը: Նա իր հետևորդներին խստիվ արգելում էր ոչ միայն որևէ իշխանության դեմ ապստամբել, հակառակվել, պատերազմել և արյուն հեղել, այլև նույնիսկ խոսքով որևէ անհատի վշտացնել՝ ինչ ազգի, ցեղի ու աստիճանի էլ որևէ պատկանի: Այդ նամակում նա դատապարտում էր Մազանդարանի Շեյխ-Թաբարսիի, Զանջանի և Նեյրիզի ապստամբությունները՝ դրանք որակելով որպես բարիների տգիտության արդյունք²⁰:

¹⁸ S. 65 «کتاب نقطة الکافی، ص ما

¹⁹ Ա տ ր պ ե տ, նշվ. աշխ., էջ 101:

²⁰ Նույն տեղում, էջ 102:

Այդ ժամանակաշրջանում բահայիները լայնորեն համագործակցում են անգլիական և ամերիկյան միսիոներների հետ: Ինչպես հայտնի է, դեռևս 1835 թ. ամերիկյան միսիոներները ներթափանցում են Իրան և լայն գործունեություն ծավալում: Բացում դպրոցներ, տեխնիկական ուսուցման կենտրոններ, հիվանդանոցներ, մինչև իսկ տպարան²¹: Միսիոներները օժանդակում էին բահայիների լույսը ուսմունքի տարածմանը, քանի որ այն համապատասխանում էր գաղութարարների շահերին:

Բահա-ուլլահի կողմնակիցները Իրանում ու նրա սահմաններից դուրս տեղաբնակյալ լայն գործունեություն են ծավալում: Նրանց հաջողվում է Բարի ամենամիլիոված հետևորդներին և Սորհն Աղալին հավատարիմ անձանց մեծ մասին շարքից հանել²²:

Բարիական համայնքի ներսում ծագած երկպառակությունը վերջ տալու նպատակով օսմանյան կառավարության 1868 թ. հուլիսի 26-ի արձակած հրամանի համաձայն, Սորհն Աղալը իր հետևորդների և Բահա-ուլլահի շուրս երկըրպագուների հետ միասին պետք է արքային Կիպրոս կղզու Ֆամագուստա քաղաքը: Իսկ Բահա-ուլլահը իր ընտանիքի և ութսուն կողմնակիցների հետ արքային է Պաղեստինի Աքքա քաղաքը²³:

Աքքա ժամանելուց հետո Բահա-ուլլահը մեծ աշխատանք է տանում: Նա ուղեւորներ և ընդարձակ թղթակցություններ է գրում՝ պարզաբանելով և տարածելով իր ուսմունքը բարիների տարբեր համայնքներում: Այստեղ 1872 թ. կամ 1873 թ. նա գրում է իր գլխավոր աշխատությունը՝ «Քեթաբե Աղդասը»²⁴ (Ամենասուրբ գիրք): Այդ աշխատությունը պարունակում է 472 այսբ ու պատվիրան և, ըստ հեղինակի, պետք է փոխարիներ «Ղուրանին» և «Բայանին»:

Բահայիզմը նույնպես ընդունում է միաստվածությունը: Բահա-ուլլահի ուսմունքի համաձայն բոլոր մարդիկ, անկախ ցեղից, ազգությունից և սոցիալական դրությունից, եղբայրներ են: Նա գրում է. «Թշնամություն մի անեք մեկդ մյուսի հետ և մի սպանեք մեկդ մյուսիդ: Դա արգելվում է սրբազան գրքով» (այսբ 168): Այսպիսով, նա դեմ էր դասակարգային պայքարին:

Լինելով հակահեղափոխական ուսմունք և միապետական կարգերի ջատագով, բահայիզմը Իրանի 1905—1911 թթ. սահմանադրական հեղափոխության շրջանում գործնականում դրսևորեց իր էությունը՝ ամեն կերպ ձգտելով խափանել այն: Այդ կապակցությամբ պարսիկ հեղինակ Այաթին գրում է. «Նրանք (բահայիները— Հ. Փ.) գաղտնի կամ բացահայտ ներթափանցեցին սահմանադրականների շարքերը և նրանց մեծ վնաս հասցրին»²⁵:

Հանդես գալով հեղափոխական գաղափարախոսության և շարժումների դեմ, Բահա-ուլլահը քարոզում էր. «Ոչ ոքի վայել չէ մարդկանց առջև խոսել, երբ ինքը քայլում է փողոցներով և հրապարակներով» (այսբ 257): Մի ուրիշ

²¹ G. N. Curzon, Persia and the Persian Question, Vol. 1, London, 1892, p. 541.

²² Sh'ur Tarikh-i-Jadid, էջ 391, տողատակի 1 ծանոթությունը:

²³ Sh'ur «نقطة الكافي، ص ١٠٠»

²⁴ «Книга Акдес», «Священнейшая книга» современных бабидов; текст, перевод, введение и приложения А. Г. Туманского, СПб., 1899.

²⁵ آبی کشف خیال، تهران، ۱۹۳۸، جلد اول، ص ۹

այաթում նա գրում է. «Ով գիտակցաբար կհրկիզի մի տուն, այրեք նրան: Ով կանխամտածված կսպանի մեկին, սպանեք նրան: Վերցրեք աստվածային օրենքները ուժեղ ու հզոր ձեռքերով և լքեցեք տգետ օրենքները» (այաթ 143):

Բահա-ուլլահը քարոզում էր լրիվ վերացնել պետությունների սահմանները և առաջարկում էր աշխարհի բնակչության համար ընտրել մեկ լեզու և անիծում էր նրանց, ովքեր կհամարձակվեն հրաժարվել նրա պահանջներից, նա գրում է. «...առաջ մենք այաթներում առաջարկեցինք, որպեսզի գոյություն ունեցող լեզուներից և գրերից ընտրվի մեկը կամ ստեղծվեր նոր լեզու և դրանով ուսուցանվեն աշխարհի դպրոցական երեխաները, որպեսզի աշխարհը երևա միասնական, հարազատ և տիեզերքի մի մաս: ...Դուք բոլորդ մի ժառի՝ ճյուղեր եք և մի ճյուղի տերևներ: Փառք չկա նրան, ով սիրում է հայրենիքը, բայց փառք նրան, ով սիրում է ամբողջ աշխարհը»²⁶:

Բահայիզմի հիմնական դրույթների սոցիալ-քաղաքական էություն ուսումնասիրությունը ցույց է տալիս, որ արտահայտելով կոմպրոմիսային բուրժուազիայի շահերը, նա պաշտպանում է մասնավոր սեփականությունը, սոցիալական անհավասարությունը և ոչ միայն դեմ է ազգային-ազատագրական պայքարին, այլև քարոզում է գոյություն ունեցող իշխանություններին չդիմադրելու քաղաքականություն և հայրենազանցություն: Այն ժամանակ, երբ Ասիայի ժողովուրդները զարթոնք էին ապրում և հանուն իրենց անկախության պայքարի ելնում հայրենազավ միապետական կարգերի և օտարերկրյա գաղութարարների դեմ, բահայականները այդ բոլորին հակադրվելու համար ստեղծեցին կրոնական քողով շղարշված կոսմոպոլիտական մի ուսմունք, որը պետք է կազմալուծեր ազգային, քաղաքական և տնտեսական անկախության գաղափարները և ճանապարհ հարթեր հետագա զավթողական քաղաքականության հաղթանակի համար:

Բահայիզմը խեղաթյուրում է հասարակության պատմական զարգացման ամբողջ ընթացքը: Այն գտնում է, որ հասարակությունը զարգանում է էվոլյուցիոն ճանապարհով: Նման տեսության նպատակն է հրաժարվել դասակարգային պայքարից, ժխտելով հասարակության բաժանումը դասակարգերի, բահայիները դրանք ներկայացնում են որպես վերացական անհատների միություններ, որոնք իրարից տարբերվում են միայն բնավորությամբ: Հետևաբար, պայքարը տեղի է ունենում ոչ թե դասակարգերի, այլ մարդկանց բնավորությունների միջև: Այստեղից էլ բահայիզմի չհիմնավորված այն հետևությունը, թե դասակարգային պայքար չկա և չի կարող լինել: Այդ ուսմունքի համաձայն մասնավոր սեփականության առկայությունը իբր թե պայմանավորված է բացառապես մարդու ձևներիցությամբ, ընդունակությամբ և հմտությամբ: Մասնավոր սեփականության գոյության նման մեկնաբանումը նպատակ ունի քողարկել շահագործման բուն էությունը: Բահայիզմը դասակարգային հասարակությունը պատկերում է որպես մի համակարգ, որը տարբրայնորեն, առանց հեղափոխության կհաճի սոցիալական հավասարության: Բահայականները ձգտում են արդարացնել այն, ինչ պատմությունն արդեն վաղուց հերքել էր և դատապարտված էր անխուսափելի կործանման²⁷:

²⁶ „Китабе Акдес“, стр. 82.

²⁷ Sh'w „The Bahai's Weekly“, New York, 9, V, 1932.

Բաճա-ուլլահի մահվանից հետո (1892 թ.) նրան փոխարինում է իր անդրանիկ որդին՝ Աբրահա էֆենդին, որն իրեն անվանեց «Աբդուլ-Բաճա» (աստվածային փայլի ստրուկ):

Նրա օրոք բաճախիզմի կոսմոպոլիտական և պացիֆիստական բնույթը ավելի է խորանում: Նա իր պատվիրաններում հորդորում էր հրաժարվել աղյալին անկախության սկզբունքներից, առաջարկելով ստեղծել «համաշխարհային պառլամենտ», վերացնել երկրների միջև եղած սահմանները և ստեղծել «համաշխարհային մի լեզու»:

Պրոպագանդելով Բաճա-ուլլահի վարդապետությունը, Աբդուլ-Բաճան ժխտում էր հեղափոխության միջոցով հասարակության վերափոխման հնարավորությունը և առաջ քաշում միայն «ունեցվածքի հոժարակամ բաժանման ուսմունք»²⁸:

Բաճախիզմի գաղափարախոսները ձգտում են իրենց ուսմունքը հակադրել սոցիալիզմին: Նրանք աշխատում են այն ներկայացնել որպես սոցիալ-քաղաքական կատարյալ ուսմունք՝ ճամադատակելով աշխատանքի և կապիտալի շահերի «միասնության» և «համընկնելու» մասին:

Երկրորդ համաշխարհային պատերազմից հետո բաճախիզմի առաջնորդները սկսում են ավելի ակտիվորեն գործել: Այս կապակցությամբ հետաքրքիր է «Մարդկային խարդիա» բաճախական հանդեսի հետևյալ հաղորդումը. «ԱՄՆ-ը աշխարհի միասնությանը հասնելու համար ունի՝

1 քաղաքական միասնություն, 2 գաղափարների ներդաշնակություն, 3 միասնական ազատություն, 4 միասնական կրոն, 5 համաշխարհային միասնական գիտություն, 6 միասնական լեզու, բոլոր դասակարգերի միավորում»²⁹:

Բաճախիզմը քարոզում է աշխարհի բոլոր սահմանների վերացում և ԱՄՆ-ի ղլխավորությամբ «միասնական համաշխարհային պետության» ստեղծում, ինչպես նաև ազգային լեզուների վերացում և դրանց փոխարեն մի միասնական լեզվի ստեղծում՝ հանձին անգլոսաքսերենի: Այդ ուսմունքի կողմնակիցները պրոպագանդում են այն միտքը, որ ամերիկյան ֆեդերացիան կարող է օրինակ հանդիսանալ համաշխարհային քաղաքական կազմակերպության համար:

Բաճախիզմի կոսմոպոլիտական հայացքները իրենց գործնական դրսևորումն են գտնում արդի բուրժուական գաղափարախոսության մեջ, որը նույնպես հերքում է ազգային անկախության սկզբունքները: Բելգիական աջ սոցիալիստների պարագլուխ Սպաակը, օրինակ, Միավորված ազգերի կազմակերպության ղլխավոր ասամբլեայի երկրորդ նստաշրջանում նշել է.

«Ես զարմացած և, անգամ, հիասթափված եմ, երբ տեսնում եմ, թե ինչպես այդ հին քաղաքական բողբ, այդ հինը, թող ինձ թույլատրվի ասելու՝ այդ հետադիմական գաղափարը դուրս է մնացել նորաձևության գաղափարներից... Ես չեմ կարծում, որ երբեկից հնարավոր լինի ունենալու գործնական և արդյունավետ միջազգային կազմակերպություն, որն ընդունակ լինի խաղալու իր դերը, եթե աշխարհի բոլոր երկրները՝ այս կազմակերպության անդամները,

²⁸ А б ду л Б е х а, Письмо в Центральную организацию прочного мира, Париж, 1921, стр. 8.

²⁹ „The human Charter“, New York, 1945, p. 66.

միահամուռ կերպով շահաժարվեն ազգային անկախությունից և դեն չեն տեն նրա բոլոր ատրիբուտները»³⁰:

Այսպիսին է բահայիզմի հակազգային կոսմոպոլիտական էությունը, ուսմունք, որը կապիտալիզմի համընդհանուր ճգնաժամի դարաշրջանում արգելք է դարձել Արևելքի ժողովուրդների ազգային զարթոնքի և ազատագրության ուղու վրա:

БЕХАИЗМ И ЕГО РЕАКЦИОННАЯ СУЩНОСТЬ

О. Л. ПАХЛЕВАНЯН

Резюме

Одним из религиозных течений, которое можно назвать «еретическим» по отношению к мусульманской ортодоксии, является бехаизм, возникший во второй половине прошлого века в персидском исламе.

Бехаизм отражал интересы и взгляды иранской компрадорской буржуазии, отличался отрицанием принципов национальной независимости и государственного суверенитета, пропагандой идеи создания «единого мирового государства» и «единого мирового языка». Бехаисты пользуются ими как орудием духовного разоружения народов Ближнего Востока и Африки, направленным на подавление их борьбы за национальную независимость.

³⁰ „Известия“, 24, XII, 1952.